



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Atrebateni Episcopo.

**urn:nbn:de:hbz:466:1-20020**

nata electione pariter & electo, si eam inveneritis de persona idonea canonice celebratam, ipsam sublato appellatiois obstatulo auctoritate apostolica confirmetis, & sine utriusque partis prejudicio alter vestrum, si ambo nequiveritis interesse, acerbitis sibi duobus vicinis Episcopis, ipsum in Præsulem studeat consecrare, ac juramentum fidelitatis nomine nostro recipiat ab eodem sub forma quam vobis sub bulla nostra mittimus interclusam. Datum Laterani Idibus Iunij, pontificatus nostri anno quintodecimo.

*POPVLO MEDIO LANENSI,  
spiritum consilij sanioris.*

**M**irari cogimur & moveri quod præteriorum immemores & improvi- di futurorum, conversi estis in arcum per- versum & in reprobum sensum dati, sacra- sanctæ Romanae Ecclesiæ matris vestræ de- votionem & obedientiam subtrahendo, quæ vos multis beneficiavit honoribus & magnis beneficiis honoravit, & ei pertinaciter adhærendo qui suis benefactoribus consuevit retribuere mala pro bonis, of- fensam pro gratia, & injuriam pro hono- re, sicut ex iis quæ contra nos egisse di- noscitur potuisse perpendere manifestè. An fortè putatis quod alia vobis rettibuet quæ reddit ipse nobis? Nam si hoc fecit in viridi, quid in arido est facturus? Li- cèt autem ex iis quæ nunc agitis gratia nostra vos reddatis indignos, quia tamen mater obliisci non potest filiorum uteri sui, universitatem vestram monemus & exhortamur in Domino, per apostolica vo- bis scripta mandantes quatenus saniori uenientes consilio revertamini ad devotionem & obedientiam matris vestræ, super exce- sibus vestris, & specialiter super eo quod dilectos filios Ordinarios Mediolanensis Ecclesiæ nuper eicere præsumpsisti, Deo & nobis taliter satisfacere fatigentes ut penam vitare possitis & gratiam adipisci. Datum Laterani Idibus Iunij, pontificatus nostri anno quintodecimo.

*TRECENTI EPISCOPO, ET  
Abbati Clarevallenſi, Cisterciensi ordinis  
Lingonensis dioceſis, & magistro Henrico  
Canonicō Trecenti.*

**D**e prudentia Senonensis Archiepiscopi non possumus non mirari, qui post appellationem ad nos legitimè interpoſitam, & contra nostri formam manda- ti, perversè processit in causa quam ad pe- petitionem carissimi in Christo filii nostri Phi-

*lib. 113.  
De negotio E-  
piscoporum  
Aurelianensis  
& Antidi-  
ocesis.  
Vide supra epif.  
108. 109.*

Tom. II.

lippi Francorum Regis illustris sibi duxi- mus committendam super relaxanda fen- tentia interdicti quod in terram ejus vene- rabiles fratres nostri Aurelianensis & An- tidiocensis Episcopi protulerunt, si præ- dictus Rex eis illud offerret quod esset me- ritò acceptandum, & licet ipsi jussierimus ut, si fieri posset, postposito utrinque ju- dicio ad amicabilem compositionem inten- derer, ipse tamen, turbato negotio potius quædam sedato, nec compositionem facere studuit nec judicium exercere. Vnde, nisi regiae voluimus serenitati deferre, taliter eum corripere curassemus quod ejus profectò non remansisset impunitus ex- cessus. Cum igitur quod ab eo est inordi- natè præsumptum, ipso jure sit irritum & inane, discretioni vestrae per apostolica scripta præcipiendo mandamus quatinus ejus processum & quicquid occasione ip- sis inveniētis attentatum, sublato cuiuslibet contradictionis & appellationis obsta- culo irritum nuntietis, contradictores, si qui fuerint, vel rebellēs per censuram ec- clesiasticam appellatione postposita com- pellendo. Quod si non omnes &c. tu ea, frater Episope, cum eorum altero &c. Datum Laterani Idibus Iunij, pontificatus nostri anno decimoquinto.

*ATREBATENSI EPISCOPO.*

**D**udem dilectis filiis Majore, Iuratis, Scabinis, & universitate communiae Laudunensis conquerentibus nostro est a- postolatui referatum quod dilecti filii ele- ctus & clerici Laudunensis aliquæ viri ec- clesiastici sepe in eos & in terras ac fami- lias eorum excommunicationis & interdic- ti sententias sine causa rationabili ac juris ordine prætermisso promulgant, ipsos per hujusmodi sententias multipliciter contra iustitiam aggravantes, licet super his de quibus impetur a quoquam sine exhibere parati quod postulat ordo juris. No- lentes igitur eisdem ecclesiastica distric- tione indebet prægravari, cum ex apo- stolica servitutis officio sublevare tencamur iustè depresso, eis & aliis auctoritate apostolica curavimus districtiis inhibere ne in ipsis vel eorum quilibet seu terras aut familias eorundem sine manifesta & ra- tionabili causa excommunicationis vel in- terdicti sententias promulgaret, decer- nentes hujusmodi sententias, si quæ post appellationem ad nos propter hoc legitimè interpositam fuerint promulgatae, penitus non tenere. Quia verò eisdem conqueren- tibus intelleximus quod prefati electus &

*Epif. 114.  
Ejusdem argu-  
menti cum e-  
pistola 63. li-  
bri 14.*

N N n n

clerus, inhibitione nostra contempta, nuntiatur eis modis omnibus obviare, fraternitati tua per apostolica scripta mandamus quatinus si forsitan illi vel alii contra formam inhibitionis praemissa presumperint eos indebet molestare, tu sententias in eos temere promulgatas secundum formam Ecclesiæ auctoritate nostra relaxes, ita quod conquerentibus satisfaciant competenter, quia dissolvi nolumus nervum ecclesiasticae disciplinae. Hanc autem jurisdictionem tibi concessam usque ad triennium volumus prorogari; ut interim cognoscamus utrum illi temere contra istos, an isti contra illos indebet moveantur. Salvis semper sententiis ex delegatione apostolica promulgatis. Datum Laterani 11. Idus Iunij, pontificatus nostri anno decimoquinto,

*NOBILI VIRO W. MILITI  
de Tigne.*

*Ep. 115.  
De jure patro-  
natus.*

Cum causam qua inter te ex parte una & Andegavense Capitulum ex altera super jure patronatus Ecclesiæ de Tigne vertebatur felicis memoriae Celestinus Papa prædecessor noster venerabili fratri nostro Mauricio quondam Nannetensi, nunc vero Picavensi Episcopo & conjudicibus suis duxerit committendam, ipsi partem citantes utramque, quia dictum Capitulum termino constituto non comparuit coram eis, te causa rei servanda in possessionem ejusdem Ecclesiæ induxerunt, & licet idem Capitulum infra annum cautionem exposuerit standi juri, non tamen possessionem ejusdem Ecclesiæ potuit adipisci, te super hoc violentiam inferente. Vnde cum utriusque partis procuratores demum ad nostram præsentiam accessissent, dilectum filium nostrum Benedictum tituli sanctæ Susannæ Presbyterum Cardinalem eis concessimus auditorem. Qui auditis & intellectis partis rationibus utriusque, rede mandato nostro ad restituendam Ecclesiam Andegavensi Capitulo condemnavit. Cuius executionem sententiae venerabili fratri nostro Episcopo Nannetensi & conjudicibus suis commisimus; salvis rationibus tuis, si quas coram ipsis duceres proponendas. Super quibus iidem judices te audire nullatenus voluerunt nisi prius fructus ipsius Ecclesiæ, quos nec tu nec alius nomine tuo perceperat, sicut firmiter asserbas, dicto Capitulo resarcires, te nihilominus ad restitutionem quinque milium solidorum post appellationem ad nos legitimè interpositam nomine fructuum con-

demanentes. Sed postmodum ad Priorem sancti Hilarij de Cella & collegas suos delegari nostraras obtinuisti litteras sub hac forma, ut si constaret te post appellationem ad nos legitimè interpositam ab Episcopo Nannetensi & conjudicibus suis condemnatum fuisse, ipsorum revocato processu, de negotio cognoscerent principali, alioquin partes per eos ad priorum judicium remitterentur examen. Coram quibus cum in tantum fuerit litigatum quod jam sola sententia deberet proferri, placuit partibus ut priorum processu judicium remanente interim in suspensi, iidem judices de principali cognoscerent, & tota demum causa fideleriter ad nos remitteretur intructa. Testibus igitur productis ab utrilibet partium coram eis, & de consensu ipsorum postmodum publicatis, post disputationem diutinam, tam eorum quam etiam priorum processum judicium sub sigillis ad nos propriis iidem judices remiserunt. Post hæc vero tibi ac procuratori dicti Capituli in nostra præsencia constitutis dilectum filium nostrum Petrum tituli sanctæ Ceciliae Presbyterum Cardinalem concessimus auditorem. Coram quo interrogari petili procuratorem prædictum utrum in villa tua sita esset Ecclesia memorata, super cuius patronatu inter te ac præmissum Capitulum quæstio vertebatur, quod unque dictus concessit procurator de plano. Et secundò interrogatus ac tertio utrum crederet progenitores tuos aliquid juris habuisse in Ecclesia memorata, vel ab eisdem fuisse fundata, utrumque credere se respondit, protestans te audiendum non esse nec ad diffinitivam sententiam procedendum nisi prius restitueres Andegavensi Capitulo quinque millia solidorum in quibus eidem per dictum Nannetensem Epilopum & suos collegas fueras condemnatus; præsertim cum appellationem quam te ab eisdem interposuisse dicebat legitimo tempore non fueris prosecutus; quo suppresso, apostolicas litteras obtinuisti ad Priorem sancti Hilarij de Cella & suos conjudices delegari. Quorum processum nullum allegerat omnino pro eo quod fines apostolici mandari transgressi, prinsquam eis conferret de appellatione legitima, de proprietate cognoscere presumperunt, cum alter jurisdictioni ordinariae non præcessent, ratione cuius in eos posset à partibus consentiri. Nec factas confessiones coram auditore Capitulo præjudicare dicebat, cum in eo processu, qui subsistere non poteat, constitutus fuerit procurator, & si etiam